





5)  
Hicin 7 Saekln.  
26. Juli 1899.

Ex libris

Hunnü, Arnstadt.

(Thuring.)


~~1884.~~





Auctor	Materiae & Inscriptio	Loc. Ann.
Boehmer c. Hoff	De cortice cascarillae eiusq. insignibus in medicina viribus	Haf. 1738.
Boehmer c. Hoff	De salutari vi vitae in morbis actione	1764.
<u>Boehmer</u>	<u>De quatuor &amp; quinque ramis ex aere arteriae ma-</u> <u>gnae accidentibus</u>	<u>1744</u>
Boehmer c. Wacuter	De prolapsu et inversione uteri ejusque vaginae relaxatione	1745
Boehmer c. Meuder	De urinae se - et excretione	1768
Boehmer c. Theune	De confluxu trium cararum in dextro cor- dior artio	1763
Boehmer c. Alacai	Anatomie ovi humani secundati sed deformis trimestri abortus, elbori <u>et nonnulla de uracho humano</u>	1763
Boehmer c. Roche	De pulmonum cum excephalo consensu	1763
Boehmer c. Ehrlich	De febre scarlatina epidemice haecenus gra- vante.	1764.
Boehmer c. Eutherhausen	De transitu februm benignarum in mali- gnas praesertim in Frigia orientali	1764
Boehmer c. Wiehl	De fluore albi benigni in malignum transitu sine praevio contagio	1761
Boehmer c. Moeller	De signo spasmi peripherici in febribus continentibus	1765
Boehmer c. Brückner	De proxima februm et in specie inflam- matoriarum quarundam occassa	1767
Boehmer c. Otto	De genesi materiae purulentae sine praec- rid inflammatione.	1767
Boehmer c. Menssen	De malignitate variolarum naturalium tempestivo deicatoriorum avertenda	1767
<u>Boehmer</u>	<u>De ossium callo</u>	<u>1768</u>
Boehmer c. Miska	De damnis ex retardata abcessuum apertione	1765







DE 17  
**D A M N I S**  
**EX RETARDATA ABSCESSVVM**  
**A P E R T I O N E .**

---

**P R A E S I D E**

**MAGNIFICO FRIDERICIANAE PRORECTORE**  
**VIRO ILLVSTRI EXCELLENTISSIMO ET EXPERIENTISSIMO**

**DOMINO**

**D. PHILIPPO ADOLPHO BOEHMERO**

**MED. ANAT. ET CHIRVRG. P. P. ORDINAR.**  
**ACADEM. CAESAR. NAT. CVRIOS. ITEMQVE IMPERIAL. PETROPOL.**  
**NEC NON REGIAR. BEROL. SCIENT. ET PARIS. CHIRVRGOR.**  
**SODALI,**

**PATRONO FAVTORE ET PRAECEPTORE**

**OMNI HONORIS CVLTV PROSEQVENDO**

**PRO GRADV DOCTORIS**

**SVMMSIQVE IN MEDICINA HONORIBVS AC PRIVILEGIIS**  
**RITE OBTINENDIS.**

**DIE XIX. DECEMBR. MDCCCLXV.**

**H. L. Q. S.**

**PVBLCIE DISPVTABIT**

**A V C T O R**

**CHRISTIANVS GVILIELMVS Miska**

**CRVCIRVGENSIS SILESIVS.**

---

**HALAE AD SALAM**

**S T A N N O C V R T I A N O .**



DE  
D. A. M. N. I. S.  
EX RETARDATA ABSCESSVVM  
APERTIONE

CAROLO BOHNER

MAGNifico FRIDERICIANO PRORECTORE  
VRO LEVSTRI EXCELLENTISSIMO ET EXPERIENTISSIMO

D. PHILIPPO ADOLPHO BOHNERO

MED. ANAT. ET CHIRURG. P. ORDINAR.  
ACADEM. CAESAR. NAT. CAROL. ITEMQUE IMPERIAL. PETROPOL.  
NEC NON REGIAE BEROL. SOCIET. ET PARIS. CHIRURGOR.

PATRINO FAVORE ET TRASCRIPTOR

OMNI HONORIS CULTU PROSEQVENDO  
PRO GRADY DOCTORIS

ADMISIT IN MEDICINA HONORIBVS AC PRIVILEGIIS  
RITE OBTINENDIS

die XIX decembris MDCCCLXXI

ADAMO NITZKI

DOCTOR  
CHRISTIANVS GUILIELMVS MISKA

MEDICO VRI. NOBILIS. PHARMACOPOL.  
PATRINO FAVORE ET TRASCRIPTOR

ADAMO NITZKI





V I R O  
EXCELLENTISSIMO EXPERIENTISSIMO  
DOCTISSIMOQVE  
D O M I N O  
CAROLO BENIAMIN  
COCHLOVIO

MEDICINAE DOCTORI ET PHYSICO CIVITATIS  
CRVCIBVRGENSIS HVIVSQVE TRACTVS  
MERITISSIMO  
PATRONO ATQVE FAVTORI  
EA QVA PAR EST MENTIS REVERENTIA  
SVSPICIENDO

NEC NON  
V I R O  
EXCELLENTISSIMO AMPLISSIMO EXPERIENTISSIMO  
D O M I N O  
ADAMO NIETZKI

MEDICINAE DOCTORI CELEBERRIMO  
PRACTICO HALENSIVM FELICISSIMO  
MEDICO VERI NOMINIS PHILOSOPHO  
PATRONO FAVTORI ATQVE PRAECEPTORI  
OMNI PIETATIS CVLTV AETERNVM DEVENERANDO



SPECIMEN HOC INAVGVRALE

SVMMAE OBSERVANTIAE

SEMPITERNAE PIETATIS


CRATISSIMI ANIMI

PVBLICVM ET PERENNE MONIMENTVM

D. D. D.

CHRISTIANVS GVILIELMVS MISKA.





DISSERTATIO INAUGURALIS MEDICA  
DE  
D A M N I S  
EX RETARDATA ABSCESSVVM  
APERTIONE.

---

§. I.

*Vasa corporis humani arteriosa et venosa.*



Mirabilem prorsus, planeque singularem corporis nostri fabricam contemplantibus, facili negotio statim patet, illud ex innumeris vasculis maioribus minoribus esse conflatum, eorumque alia referre figuram conoideam truncatam conuergentem, *arterias* vocant; alia truncatam inuerfam, seu crescentem

A

centem



centem, quae *venae* dicuntur. Arteriae toto fere in corpore in minutissimos ramos diuiduntur et ramuli e maioribus truncis emissi communicare cum vicinis cernuntur. Venae vero plurimis in locis arteriis comites, pari omnino, quo arteriae, modo in innumeros minutissimos ramulos diuiduntur.

§. II.

*Sanguinis resolutio in globulos.*

Haecce vascula permeat fluidum, perpetuo in gyrum actum, ad visum homogeneum, *sanguinis* nomine notum. Huncce sanguinem ex globulis densioribus, in fluido tenuiori natantibus, constare, plura probant experimenta. Globuli vero hi densiores in alios tenuiores, et, vti quidam volunt, senario semper numero respondentes resolui se patiuntur, eaque resolutio eousque procedit, vt eam vix oculus armatus profsequi possit. Vid. *Perillustr.* HALLERVS *prim. lin. physiolog. Cap. III. passim et Cap VII. §. CLXIII.* *Perillustr.* L. B. VAN SWIETEN *Comment. in BOERHAAVE Aphor. T. I. §. 93. p. 134 et 135.*

§. III.

*Fluidi vehendi ratio ad vasa.*

Fit itaque fluidum illud proportionale ad vasa, per quae vehi debet. Per vltimos namque fines horum vasculorum minutissimorum, quae capilli crassitiem vix aequant, non nisi vnicus sanguinis globulus transire potest. Liquidum autem hoc, vt liberum semper seruet cursum, cor et vasa debito



bito pollent in statu sanitatis elatere, contractione, amplitudine; vti fluidum ipsum legitimam habet fluiditatem.

## §. IV.

*Inflammationis idea.*

Quodsi enim vasa iusto angustiora fuerint, aut moles, per ea vehenda, iusto maior, aut vtrunque simul concurrat: tunc moles ista subsistit et canalem, quem permeare debet, obturat, hocce obstructo liberum sanguinis circulum impedit. Lege vere circuli sanguinis in distitissima quoque corporis loca continuo motu sanguinis pellitur et exinde etiam ad locum obturatum noua aduehitur sanguinis portio, quae moleculam hanc stagnantem in angustissimorum vasculorum fines, validissime reagentes et vibrantes, premit. Nonne itaque sanguis, ad moleculam hanc appulsus, eam quasi intra duo prela reducit? Immo sanguis ipse, nouiter ad moleculam restagnantem aduectus, subsistat opus est: eius enim refluxum prohibet noua sanguinis portio, vi cordis et arteriarum pulsa. Quid itaque inde sequitur aliud, quam vt sanguis, intra vasa obstructa accumulatus, eadem distendat? Vasis hisce distentis vascula vicina comprimuntur, cumque et in haec impetus fluidi, a tergo ruentis, agat, noua nascitur obstructionis causa et hac ratione toti vasorum plexus obstruuntur, distenduntur. En! originem morbi, qui *inflammationis* nomine notus est.



## §. V.

*Inflammationis solutio in genere.*

Omnis morbus exit vel in sanitatem, vel in alium morbum, vel in mortem. Vides itaque exinde, et inflammationem eodem modo solui posse: nam inflammationem morbum esse, nemo facile negabit.

## §. VI.

*Inflammationis euentus per resolutionem.*

Si molecula stagnans aliquam adhuc habuerit mobilitatem et per attritum ad vasa reagentia imminuta fuerit molis magnitudo et vasa ipsa pristinam recuperauerint vim et capacitatem, ita, vt transire possit illud immeabile in venas atque liber humorum circuitus restituatur: tunc inflammatio sanata dicitur per *resolutionem*.

## §. VII.

*Inflammationis exitus per abscessum.*

Si vero immeabilis haereat materia obstruens, vascula distenta sensim, sensimque rumpantur et humores suos effundant, hique leni calore corporis accedente in fermentationem tendant et degenerent in humorem flavescens coloris et spissioris consistens: inflammatio tunc solui dicitur per *suppurationem*, siue per *abscessum*.



§. VIII.

*Inflammationis solutio per gangraenam et spbacelum.*

Per gangraenam et spbacelum vero soluta dicitur inflammatio, quando ea ad eum gradum iam peruevit, vt, perdita vasorum vi, omnis effluxus et influxus vitalis liquidi in parte affecta tollatur, putrefactio ibidem suboritur, indeque quasi mors partis sequatur.

§. IX.

*Inflammationis transitus in scirrbum.*

Per scirrbum tandem soluitur inflammatio, si materia crassior, ablata quocunque modo tenuiore in circulum se reduci non patitur, immo potius exsiccet, inque durum eleuetur tumorem. Vid. de his M. BOERHAAVE in *Aphor. de cognosc. et curand. morb.* §. 386. et *seqq.* Perillust. L. B. van SWIETEN in *Comment. ad h. l. Excellentiss. et Experientiss.* D. D. NIETZKI Fautor atque Praeceptor, optime de me meritis, in *Patbol. Cap. VII. § CCCCXIV. seqq.*

§. X.

*Transitus ad praesens institutum.*

Quamlibet harum solutionum inflammationis speciem singularem prorsus requirere operam et attentionem, quis est, qui dubitet? Iam dudum quoque summos in arte viros in iis penitius inquirendis et enodandis defudasse, non, nisi omnium ignarissimum, latere potest. Verum enim vero non omnem



omnino eos exhaustisse materiam, quae nostram utique attentionem meretur, quaeque ulteriori digna est disquisitione, ab omni praeiudicata opinione liber, hoc mihi facile concedet. Persuasi itaque sumus, actum nos non acturos, aut crambem centies recoctam L. B. apposituros, si eandem materiam retractandam fumamus. Constituimus nimirum apud nos quaedam de secunda inflammationis solutionis specie differere et quidem ita, ut generalioribus, quae ad rem nostram facere possent, praemissis, specialiora subiungere non negligamus.

## §. XI.

*Differentia casuum circa inflammationis solutionem per abscessum.*

Experientia magistra nouimus, in quocumque abscessu materiam purulentam vel intra sua velamenta contineri, vel eadem soluta esse posse ita, ut puri liber concedatur exitus. Hoc si contingit: tum haec solutionis inflammationis species iure suo atque merito ad *ulcus* referri potest; si vero illud: *tumor* quidam in parte affecta obseruari debet.

## §. XII.

*Tumoris symptomata.*

Vnus quisque morbus sua habet symptomata et ab vno symptomate aliud proficiscitur, atque hoc denuo nouum producit. Non mirum itaque est, hoc etiam in quocumque tumore obtinere. Necessaria ergo erunt plura symptomata tumoris, ut laesa partis affectae functio, sensus incommodus, graua-



grauatius, aut etiam dolor pro ratione sensibilitatis locorum maior, minor, lancinans, pulsabilis, vrens, tendens; congestiones ad partes affectas aequae, ac remotas ab illis; augmenta tumoris; inflammationes; motus febriles, qui diuersos de nouo producere valent effectus.

## §. XIII.

*Vlceris symptomata.*

Origo vero symptomatum in vlceribus ab ipsa solutione continui deducenda est, semper habita ratione qualitatis vnius, vel alterius partis solutae. Cur itaque affluxus humorum ad partes exulceratas, dolor, qui rodendo magis sese manifestat, inflammatio, motus febriles, inter vlcerum affectiones numerentur, praeceptis pathologicis imbuto non difficile est ad iudicandum.

Parec hic quoque luculenter ex his, quae modo protulimus in medium, nos tantummodo generalia vlcerum, quibus stipari solent, symptomata hic, enumerasse, nullo habito respectu ad prauas illas qualitates materiae, in vlceribus, sic dictis qualificatis, contentae. Data enim opera ea hic omittimus, tanquam quae in subsequenti loco opportuniore occurrant.

## §. XIV.

*Materia purulenta quale productum.*

Nullus abscessus generari potest sine praeuia inflammatione. Inflammatio vero, vt supra diximus, oritur a stagnan-



stagnantibus intra vasa humoribus et crassioribus, quam per ea vehi possunt, moleculis, in angustissimos arteriarum ramulos detrusis. Nulla itaque alia materia in abscessu potest contineri, quam ea, quae continebatur in inflammatione: crassiores ergo particulae sanguinis, terreae constituent materiam in abscessu haerentem. Cumque quotidiana loquatur experientia, omnes humores corporis nostri stagnantes, motuque progressivo destitutos, successu temporis degenerare, quid mirum etiam haec, quae in inflammatione stagnant, fluida mutari, et fermentationem subire, cum omnia, quae ad eandem requiruntur, hic adsint. Coniiciuntur nempe in motum intestinum, quo partes, mixtum quoddam constituentes, ad se invicem et circa axin mouentur, diuelluntur, mox iterum combinantur: et sic noua, a prima maxime diuersa, producit mixtio. Patet ergo ex his, materiam purulentam, in abscessibus obuiam, non, nisi productum esse fermentationis ex crassioribus sanguinis particulis.

## §. XV.

*Aëris ad massam fermentantem ratio.*

Massae fermentescibiles lentius fermentant, omni prohibito liberiori aëris externi accessu: dum e contraria parte eadem citius fermentationem subeunt, sub aëris externi continuis ad se accessionibus. Quae cum fidissima doceat observatio, concludere merito possumus, materiam purulentam in abscessu, cuius velamenta nondum soluta sunt, haerentem, lentius



lentius fermentationem subire, quam ea, quae obseruatur in abscessu, cuius velamenta omnino soluta apparent.

## §. XVI.

*Quid sub fermentatione contingat.*

Fermentatio consistit in motu intestino particularum mixti, quo mobilissimae eius moleculae, alias se immobiliores in motum deducunt, hacque ratione omnes particulae, mixtum hoc constituentes, colliduntur, dissiliunt, atteruntur, attenuantur et iterum combinantur. Iam vero omnis causa maior producit effectum maiorem. Concitato ergo maiore motu in mixti moleculis, eo maior omnino et citior obtinebitur particularum resolutio, si vero minor motus concitatur, eo quoque minor earundem speranda erit resolutio.

## §. XVII.

*Quid sub minore gradu fermentationis in abscessibus fiat.*

Materiam abscessus esse productum e crassioribus sanguinis partibus docet §. XIV. Antecedente vero §o. demonstratum est, a minore gradu fermentationis minorem particularum terrearum in massa fermentescibili resolutionem dependere. Sponte itaque ex his sequitur, materiam abscessuum parum admodum resolui et attenuari, fermentatione ad minorem tantum gradum in iisdem perducta. Porro docuit nos experientia massam fluido aquaso orbam nullam subire fermentationem. Discussis itaque quo-

B

cunque



cunque modo, tum portione aquae, tum ipsis mobilioribus mixti partibus, haec massa non poterit amplius fermentare, immo potius notabilem mora temporis concipiet acredinem et indurata posthac in tumorem eleuabitur.

§. XVIII.

*Quid inde sequatur.*

Euidens ergo est ratio, cur ex apostematibus, quorum apertio retardatur et quorum materia parum admodum resoluta, quicquod tenuior eiusdem portio dissipata est, crassiore relicta, scirrhi oriantur pessimae indolis, qui diuersos in corpore producunt effectus, vti congestiones ad partes affectas, inflammationes, et varios pro sensibilitate locorum, quae patiuntur, dolores. Omnia vero, quae hic in scenam prodeunt, symptomata gradu superare obseruantur illa, quibus scirrhi simplices obnoxii sunt. Hic enim simul in censum venit materia illa acris, in hisce tumoribus contenta, tanquam altera causa, ad eundem effectum producendum superueniens.

Dicitis applaudit experientia. Nam quando calidis remediis tractatur abscessus emollientium et humectantium admisione neglecta: tunc abscessus in scirrhum mutari deprehenditur. Quid itaque mirum, suppuratas mulierum mammas in scirrhum conuerti, si illas candentibus prunis, vti solent, exponunt? Vid. *Perillustr. van SWIETEN in Comment. ad BOERHAAVE Aphor. T. I. §. 406. p. 706.*

§. XIX.



## §. XIX.

*Effectus auctae fermentationis in abscessibus.*

Intensior gradus fermentationis maiorem et citiorem partium terrestrium in massa fermentescibili resolutionem comitem habet per §. XVI. Et concitato maiore motu in crassioribus sanguinis particulis abscessuum, maior omnino et citior earundem sequitur resolutio per eundem §. Immo cum non solum crassiores sanguinis particulae, sed et ipsa vasculorum latera et aliae solidae partes per fermentationem solvantur et atterantur: maior et citior quoque in his obtinebitur resolutio. Patet itaque, plures alias solidas partes prae sanguinis terrestribus moleculis destrui, in fermentatione citiore et maiorem in modum aucta.

Veritatem huius asserti omnium optime comprobant phthisici, in quibus quandoque, Anatomia teste, tota pulmonis substantia consumta, inque pus conuersa cernitur.

## §. XX.

*Aëris externi ad abscessus ratio.*

Cum in massis fermentescibilibus motus intestinus et inde quoque resolutio augeatur, si ad easdem liberiozem aëris externi accessum admiseris: et e contrario massae eadem, ab aëris externi vi defensae, tardiozem et minorem motum intestinum subeant per §. XV. Patet hinc ratio, cur et quando, facta abscessuum apertione, aëris externi ad eodem aditus non ita valdopere fit extimescendus, quando



vero ab illis arcendus? Immo cum experientia doceat, intensius frigus motum in massis fermentescibilibus inhibere: non minus euidens esse arbitror, cur abscessus omni cura leni fouendi sint calore, neque concedendum, vt partes abscessibus vexatae, frigori exponantur.

§. XXI.

*Effectus materiae acris in abscessibus.*

Humores nostri, in calido loco stagnantes, non corrumpuntur solum, sed et acriores, tenuisque redduntur (*p. obseruat.*). Retardata itaque abscessuum apertione nonne idem materiae, in illis contentae, continget? Mutabitur ergo indies, degenerabit, tenuior, acriorque eadet. Cum vero iam in blanda suppuratione partes solidae soluantur et atterantur; eadem et citius et magis a materia hac acri et tenui soluentur: hacque ratione et puris copia et abscessus magnitudo augebitur. Aucta hoc modo puris copia, neque exitum inueniente, eo illud tendat oportet, vbi minor est resistentia; et cum haec sint loca, vbi tunica cellulosa abundat, ad hanc, tanquam facile cedentem, pondere et mole sibi viam pandet; cunque vero haec tunica, vt anatomia docet, omnibus fere corporis partibus miro modo sit intertexta; patet exinde fati luculenter ratio, cur pus tam anfractuosas saepe vias et cauitates, introrsum deuergentes, quas sinus vocant, faciat?

§. XXII.



## §. XXII.

*Abscessus mutatio in fistulam.*

Fluidum in vasis, circa hocce sinus sese terminantibus, spissescere, vel fibras fieri rigidas et labia vlceris indurescere posse, nullam inuoluit contradictionem. Pone itaque, hoc factum esse, tunc praesens morbus fistulae nomen habet. Vid. *Excellentiss. et Experientiss. D. D. NIETZKI*, iucundo praeceptoris nomine mihi semper nominandus, in *Patbol. Sect. III. Cap. I. §. CCL.*

## §. XXIII.

*Materiae abscessuum putridae in osse qualis effectus.*

Quodsi vero ponas, putridam iam factam abscessuum materiam, musculus ossi superstratis, aut ex toto aut ex parte, ab ipsa depastis, ossi fieri contiguam; non poterit tunc non euenire, quo minus prauam suam indolem ossi ipsi communicet, idque ipsum in putrefactionem, ab illius superficie externa incipientem, omnino tendat. Hoc si contingit, habes iam notionem morbi, a retardata abscessuum apertione producti, qui caries ossis ab



artis peritis nuncupatur. Cf. *Exper. et Excellent.* D. D.  
NIETZKI *l. c. Cap. II. §. XLVI. XLVII.*

§. XXIV.

*Materia acris-abscessuum in massa humorum.*

In profundis partium corporis nostri solutionibus motus febriles adfunt et sub hisce fluida, in vasis periphericis contenta, versus interiora feruntur, Pathologia teste. Fac itaque, materiam abscessuum, resolutam omnino et acrem factam, diutius, quam par est, in illis haerere, motusque febriles superuenire: quid inde eueniet aliud, quam vt materia illa praua, in cauitate eorum haerens, a patulis vasculorum orificiis resorbeatur, a minoribus ramulis maioribus semper tradatur et hac ratione ad massam sanguineam aduecta et ipsam totam inquinat et vniuersalem producat cacochymiam?

§. XXV.

*Qualis eiusdem effectus.*

Tantum autem abest, vt putrida illa abscessuum materia, sanguini iamiam mista, prauam suam indolem deponere, inque laudabilem commutari humorem possit; vt potius ipso  
circuito



circuitu acrior indies euadat, tantasque in corpore turbas, vt vix credibile fit, excitet. Numero hic febres inflammatorias, malignas exanthematicas, hecticas. Quae mala a resorpta praua illa abscessuum materia omnino producta fuisse, innumerae docuerunt obseruationes: qua vero ratione in corpore oboriantur, ei, qui tantummodo in Pathologia non prorsus hospes est, non potest esse ignotum.

## §. XXVI.

*S c h o l i o n.*

Praeter recensita in §§. antecedentibus damna, quae retardatam abscessuum apertionem presso sequuntur pede, multa adhuc alia, quae ei pari modo suam debent originem, mala corpori induci posse, satis notum esse poterit, singulis accurate consideratis, atque inter se collatis, quae proposita erant in §§. anteced. Haec vero omnia recensere, eoque, quo exorsi sumus, ordine, pertexere, uti nimis longum foret, ita a nostro proposito prorsus alienum, cum breuem tantum dissertationem scribere nobis fuerit animus.

## §. XXVII.



## §. XXVII.

*Vsus practicus.*

Cum itaque retardata abscessuum apertio tantopere noceat, iam videndum nobis erit, qua arte ei sit occurrendum. Omnia iam et singula, quae a retardata abscessuum apertione proficiscuntur, damna optime, vt opinor, praecaueri possent, si purulenta abscessus maturi materia iusto tempore, quod ex suis, in Pathologia traditis, signis potest cognosci, presso aliquantulum in altum tumore, euacuetur; quod an instrumento quodam acuto, an medicamentis peragatur, nobis hic perinde est. Sunt, qui statim, ac inflammatio discuti se non patitur scalpello incisionem instituire et suppurationem deinde omni modo promouere iubent: (Conf. C E L S Y S de Medicina p. 408. 409.) quam si quis maluerit sequi methodum, nos non habebit contradicentes.

T A N T V M.



MXXIV

SVM.



SVMMIS IN MEDICINA HONORIBVS  
C A N D I D A T O  
DIGNISSIMO

S. D.

D. ADAMVS NIETZKI.

**N**on dubito, *CANDIDATE DOCTISSIME*, quin mecum  
reliqui Praeceptores *TVI*, quos in hac illustri Musarum sede ha-  
buisi, de *TE* idem sentiant, quod iure meritoque sentiendum est de iuue-  
ne, qui ingenii alacritate, constantique in perdiscendis litteris studio prae  
multis aliis eminere non intermisit. Quam de *TE* laudabilem senten-  
tiam nouo iam probas argumento, acquisitae eruditionis medicae speci-  
men publicum, tamquam verum ingenii *TVI* foetum, in lucem editu-  
rus. Cum laude itaque affectas Doctoris dignitatem, in *TE* propediem  
publice conferendam, de qua *TIBI* iam ex animo gratulor; subiunctis  
votis, ut res *TVAE* in posterum feliciter succedant! Atque ita ex ani-  
mi sententia *TE* valere iubeo. Dab. in Acad. Frider. Id. Decembr.  
c1010ccclxy.

C

CLA-



CLARISSIMO ATQVE DOCTISSIMO  
DOMINO M I S K A

AMICO SVO

S. D. P.

PH. DAN. SANDRART

HALBERSTADIENSIS

MED. CANDIDAT. OPPONENS.

**M**anica certe et valde insegura est medicina ea, quae usum tantum et experientiam sibi vindicat, parum etiam tuta et laude digna est medendi ratio, quae ex observationibus tantummodo ducitur, neglecta corporis et naturae rerum cognitione; eam vero maiore iure medicinae cultoribus promittere certitudinem, quae non modo experientia, sed etiam ratione verisque principiis fundata sit, nemo facile in dubium vocabit. Quodsi enim in omni curatione primum est, ut origo et causa morbi pateat, qua ratione illa scrutanda, quomodo perfequenda erit, nisi rationalis accedat medicina, cuius praesidio causae in obscuro positae deprehenduntur. Quomagis itaque necessarium erit, ut qui in arte salutari paullo altius enit cupi vnt, utramque artem non leuiter attingant; sed easdem coniungant, arctoque vinculo connectant, cum satis constet, utrumque genus ad exornandum, perficiendumque medicum mirifice conspirare. TV Nobilissime ac Doctissime DOMINE DOCTORANDE



RANDE, eandem mecum, quamdiu medicinam excoluisti, sententiam habuisse mihi videris, cum pro themate inaugurali eam TIBI defendendam elegeris materiam, quae satis testatur de acri TVO iudicio, et simul probat TE non superficialia scientia, sed solida cognitione rerum medicarum esse instructum, exornatumque. Gratulor itaque TIBI ex sincero animo de summis in arte salutari honoribus et de laude dignissimis ac praeclaris TVIS studiorum Academicorum profectibus, quae ad felicem nunc finem TVA industria, ac diuina fauente gratia, sunt perducta. Faxit summum numen, ut in patriam redux sanus sanitatem ac salutem, multis aegrotantibus, TVAM operam imploraturis, adportes vberimam, atque exoptatam, et ut omnia TVA conamina, in posterum felicissimum euentum nunquam non nanciscantur. Quod reliquum est, ut amicitia TVA gratissima nunquam non me dignari velis, iterum iterumque rogo. Vale viveque feliciter! Dab. in Acad. Fridr. die XIV Decembris MDCCLXV.



PRAENOBILISSIMO NEC NON DOCTISSIMO  
DOMINO DOCTORANDO  
AMICO SVO SVAVISSIMO


S. P. D.

IOANNES THEOPHILVS HINKE

VRATISL.

MED. CVLT. OPPONENS.

**A**dmodum laetor, adeo desideratam mihi datam esse occasionem, TIBI AMICE SVAVISSIME, amicum erga TE animum significandi. Ex quo enim singularis illa mihi obtigit occasio, TE penitus noscendi, ab illo sane temporis puncto singulari prorsus aestimatione dignus mihi esse videbaris; nec solum ob morum probitatem sed etiam ob eam ingenii TVI indolem, qua ea tantum in disciplinis studio TVO digna esse iudicasti, eaque TIBI felici minerua, familiaria reddidisti, quae maximam in vita spondent vtilitatem. Cum vero iam TVAM hanc eruditionem, summos in medicina honores, tanquam praemium, comitari videam: non possum non TIBI felicitatem hanc amica mente congratulari. Gratulor TIBI, TVIS, patriaeque nostrae, quod expectatione, de TE conceptae, ex asse respondeas. [Abi iam bonis auibus, quo TE, TVORVM vota trahunt, viue diu feliciter, consule optime aegrotis, qui TVAM operam in depellendis morbis sunt imploraturi. Mihi vero rem omnino gratissimam feceris, si in numero amicorum TVORVM me habere continuaueris; idque vt facias, iterum, iterumque rogo. Dabam Regia Fridericiana d. XVI. Decemb. MDCCLXV.









DOCTORE

IOHANNES THOMAS

A





Ua 4235

ULB Halle  
001 500 996

3




sb











17

DE  
D A M N I S  
EX RETARDATA ABSCESSVVM  
APERTIONE.

P R A E S I D E

MAGNIFICO FRIDERICIANAE PRORECTORE  
VIRO ILLVSTRI EXCELLENTISSIMO ET EXPERIENTISSIMO

D O M I N O

D. PHILIPPO ADOLPHO BOEHMERO

MED. ANAT. ET CHIRVVG. P. P. ORDINAR.  
ACADEM. CAESAR. NAT. CVRIOS. ITEMQVE IMPERIAL. PETROPOL.  
NEC NON REGIAR. BEROL. SCIENT. ET PARIS. CHIRVVGOR.  
SODALI,

PATRONO FAVTORE ET PRAECEPTORE

OMNI HONORIS CVLTV PROSEQVENDO

PRO GRADV DOCTORIS

SVMMSIQVE IN MEDICINA HONORIBVS AC PRIVILEGIIS  
RITE OBTINENDIS.

DIE XIX. DECEMBR. MDCCCLXV.

H. L. Q. S.

PVBLCICE DISPVTABIT

A V C T O R

CHRISTIANVS GVILIELMVS Miska

CRVCIRVVGENSIS SILESIVS.

HALAE AD SALAM

STANNO CVRTIANO.

— 6 m

